

小  
腆  
紀  
傳

小腆紀傳卷第十八

前翰林院檢討加詹事府贊善銜六合徐肅謨

列傳第十一

楊文騁

衛肩文

吳爾彊

傅鼎銓

徐敬時

張家玉

安宏猷等  
游

楊文騁字龍友貴陽人天啟辛酉舉於鄉崇禎時官江甯知縣御史詹兆恆劾其貪奪職宏光時戚人馬士英當國起兵部主事厯員外郎中監軍京口以金山踞大江中控制南北請築城以資守禦從之乙酉遷兵備副使分巡常鎮監大將鄭鴻達鄭彩軍及

大清兵臨江文驄駐金山扼大江而守五月朔擢右僉都御史巡撫其地兼督沿海諸軍乃還京口合鴻達等軍劄南岸與

大兵隔江相持

大兵編巨筏夜置燈火放之中流南岸軍虛發礮石以爲克敵也日以捷聞初九日

大兵乘霧潛濟迫岸諸軍始覺倉皇列陣甘露寺鏃騎衝之悉潰文驄走蘇州十三日南京破百官盡降命降臣鴻臚丞黃家鼐往蘇州安撫文驄襲殺之遂走處州隆武帝立遣使奉表稱賀鴻達薦其才拜兵部右侍郎兼右僉都御史提督軍務令圖南京初上在鎮江與文驄交好其子鼎卿爲士英

甥士英遣迎宏光帝與上遇於淮安上宴甚鼎卿賙給之上  
與定布衣交及鼎卿上謁以故人子待之寵甚特授左都督  
太子太保獎其父子擬以漢朝大小耿明年衢州告急令與  
誠意伯劉孔昭合兵爲援七月

大兵至文馳不能禦退至浦城與監紀孫臨並爲追騎所獲  
說之降不從同被殺文馳善畫有文藻跌宕風流豪邁自憲  
好推獎士類于士英者緣以進故爲世所詆謔其死也衆論  
亦許之

衛肩文字祥趾韓城人崇禎辛未進士授庶吉士厯編修司  
業中允諭德告歸十四年閩賊入關全省瓦解肩文方在里  
星夜赴都痛哭陳勦賊計言西土之危將延社稷併請召四

大鎮翼衛王室連上十五疏捐資犒軍帝以其剴切召對褒勞之京師陷匿民間賊搜得拷訊備至乘間南奔南都仍故官擢御史希馬士英意奏罷督師兵詔切責之士英遂與之贖尋詣興平營謁高傑傑以同里故疏請留監己軍傑死士英薦之卽以兵部右侍郎總督興平所部經略開歸軍務兼徐揚巡撫揚州破肩文赴水死

吳爾壠字介子崇德人崇禎癸未進士改庶吉士京師陷降於賊賊敗南還謁史可法請從軍贖罪時其父之屏方督學福建爾壠斷一指畀故人祝淵曰君歸語我父母悉出私財畀我餉軍我他日不歸以指葬可也又作死臣傳以見志有云被犀甲操吳戈氣之雄騰天河驚廣野捐愛戚志之決頑

匪恤我心赤我血碧長城雖壞白虹貫日語多不具錄尋從高傑至睢傑死寓祥符遇一婦言是福王妃童氏因守臣附疏以聞詔斥爲妄逮之可法爲救免分守新城城破投水死故人某斂其屍寄佛寺燬於火家人函所寄指葬之焉

傅鼎銓字維衡臨川人崇禎庚辰進士官檢討北都之變不能死出謁賊爲鄉人所訕乙酉大學士曾櫻以鼎銓與揭重熙並薦隆武帝重違櫻意召重熙而予鼎銓知府銜令赴贛州軍前自効重熙輒與鼎銓偕入閩乃令以故官統義師由泰甯出關招募丙戌八月福州不守鼎銓借兵於甯都田海忠不應自集義勇復宜黃駐樂安閩亡偕重熙同入武夷山

戊子

王師圍南昌重熙入粵求援鼎銓兼督兩軍與張自盛合營援南昌戰於三江口敗績被命內召不願往請再舉終江西事重熙亦疏留之乃拜兵部右侍郎兼翰林院侍讀學士鼎銓令監軍陳化龍馳檄浙東有徐孝伯者引軍來會駐徐博庚寅冬張自盛敗死惟曹大鎬一軍在廣信往依之辛卯四月八日俗稱浴佛日也山中作浴佛會鼎銓與焉爲守將所執論降不從令作書招重熙亦不從在南昌獄閱月賦詩見志或欲爲薤髮曰無庸留此與頭俱去也八月乙巳朔得處決旨衆爲涕泣鼎銓揚揚如平時間吹角聲曰可以行矣語左右曰我不畏死不可縛徐行至順化門南向再拜行刑者請跪叱曰自被擒來爲誰屈膝者今日欲我跪邪坐橋上整

領衣就刃行刑者手顚墮淚初鼎鉉以汚賊命爲鄉人所鄙  
嘗欲求一死所以自滌預置木主書死年而空其月日死後  
得之笥中於是鄉人又爭賢之

徐敬時上饒人甲申以進士候選京師污賊命賊敗南還越  
十年甲午與友人楊文李克升舉兵廣信之九仙山屢抗

王師破皆死之

張家玉字子元東莞人崇禎癸未進士授庶吉士聞賊陷京  
師被執土書於賊請旌已門爲翰林院庶吉士張先生之廬  
請襄鄭景文周鳳翔等隆禮劉宗周黃道周尊養史可程  
魏學濂自稱殷人從周願學孔子稱李自成大順皇帝自成  
怒召之入長揖不跪縛午門外三日怵以極刑卒不動曰當

碑汝父母乃跪時父母在嶺南而還自屈人咸笑之賊敗南  
還阮大鋮等攻其薦賢於賊遂被逮南京破脫歸從隆武帝  
入閩擢翰林院侍講監鄭彩軍出杉關謀復江西解撫州圍

丙戌

大兵至彩奔入關家玉走新城與知縣李翔共城守出戰中  
矢墮馬折臂走入關尋以右僉都御史巡撫廣信廣信失請  
募兵惠潮說降山賊數萬將赴贛州之急會汀州破乃還東  
莞明年與舉人韓如璜結鄉兵攻東莞知縣鄭霖降籍前尚  
書李覺斯家貲以犒士甫三日而

大兵至敗走間永厯帝立奉表賀進兵部尙書無何  
大兵至戰又敗如璜死家玉走西鄉祖母陳母黎及妹石寶

俱赴水死妻彭被執不屈死鄉人殲焉西鄉大豪陳文豹奉之取新安襲東莞戰赤岡

大兵大至復敗走鎌岡文豹等皆死覺斯怨家王甚發其先人壘毀其廟盡滅其族村市爲墟家王過故里號哭而去遂次得衆數千取龍門博羅連平長甯攻惠州克歸善還屯博羅

大兵來攻乃走龍門復募兵萬餘人據增城分其衆爲龍虎犀象四營十月

大兵以步騎萬餘夾擊家玉三分其衆犄角相救倚深溪高崕以自固大戰十日力竭而敗圍數重諸將請潰圍出歎曰矢盡礮裂欲戰無具將傷卒弊欲戰無人烏用徘徊不決以

頭血濺敵人手哉徧拜諸將自投野塘死年三十有三家玉性任俠好擊劍多草澤豪傑交故屢敗而所至輒能得眾所部數千人從死無降者我總督佟養甲方坐堂上召廣州諸紳觀礮陳子壯以怖之而家玉首適至李覺斯請審視勿爲所欺養甲曰此貌清正固是義士必家玉也明年李成棟歸明乃贈家玉少保武英殿大學士吏部尙書增城侯謚文烈父兆龍猶在籍以子爵封之弟家珍字璵子年十六從兄厯戎行騎黃馬擢鋒陷陣馬死哭之慟十年後忽夜夢騎馬如昔覺而爲詩弔之聞者悲焉安宏猷靈璧人官南海指揮張治程鄉人官訓導張恂尹斌皆舉人起兵襲東莞誅典史張元鼎知縣鄭鑒自殺復會家玉取新安增城之敗宏猷戰死

治恂斌自縊死林涼爵里不可詳家玉之美師也與於起兵  
之謀臨刑吟詩曰願續當年李侍郎遺言謝世報高皇獨憐  
一片忠精骨不死沙場死法場

男承禮編輯

仁和魏錫曾參校  
會稿梁繼元覆校

小序紀傳卷第十八終

小腆紀傳卷第十九

前翰林院檢討加詹事府贊善銜六合徐鼒譔

列傳第十二

周鑣

弟鍾光時亨補

項煜

雷續祚

祖煜

邱磊

子六卿

武棟

子六卿

陳謙

子六卿

周鑣字仲馭號鹿溪金壇人父泰時雲南布政使鑣舉鄉試第一中崇禎戊辰進士官禮部主事抗疏論不當寵任內臣罷斥言官帝怒斥爲民自是知名鑣伯父尙書應秋叔父御史維持以黨附魏瑞列逆案鑣深恥之通籍後卽交東林矯矯樹名節阮大鋮之廢居金陵也鑣與諸名士爲留都防亂揭帖以逐之大鋮懼而匿身牛首山或謂大鋮曰周鑣之名

以詬公而重諸名士之黨又以詬公者媚鑣於是大鋮怨鑣  
刺骨南都之議立君也呂大器姜曰廣並主潞王鑣與雷鑣  
祚嘗往來遊說故馬阮欲以是致二人於死續祚字介公太  
湖人崇禎庚午舉於鄉帝思破格用人命舉貢悉就銓用凡  
二百六十三人時號庚辰特用續祚得刑部主事踰年擢武  
德兵備僉事劾督師范志完縱兵淫掠折餉行賄召入朝與  
志完面質於中左門續祚因言周延儒招權及其幕客董廷  
獻通賄狀延儒由是被放志完誅而令續祚回任續祚初覬  
得總憲故極意攻擊及是頗沮喪廷臣遂以是忌之及馬士  
英欲逐姜曰廣乃令朱統鑣誣劾之指鑣續祚爲曰廣私黨  
士英亦劾周鍾從逆牽連及鑣於是鑣與續祚及鍾等俱逮

治鑣之叔父維持與鑣弟前蕭山知縣銓奏言家門不幸鑣  
鍾兄弟成隙鑣私刻燕中紀事國變錄諸書僞撰勸進表下  
江南策以誣鍾且鑣於陛下登極首倡異謀是鍾罪止一身  
鑣實罪在社稷也詔所司并勘焉獄急鑣屬御史陳丹衷致  
書幣求解於士英爲遷者所獲丹衷坐謫御史羅萬傳上疏  
痛詆鑣且遍詆東林而光祿卿祁逢吉與鑣同邑以詈鑣得  
爲戶部侍郎明年三月誅妖僧大悲御史王憲因言斬百大  
悲不如斬周鑣雷縝祚二人者妖所由興也夫眞主旣出海  
內帖然乃今日冒稱皇子明日冒稱皇后希踵王郎故智寶  
由二人譏訕新政造謗宮闈故訛言繁興若不立斬二人恐  
魚腹藏書狐號叢野乘間竊發大鉞亦曰陛下龍飛之初可

爲寒心曰廣尙不敢爲賈充而續祚公然欲爲成濟宜立正西市會左貞王犯闕檄中有構陷鑣續祚語士英大讎益怒謂二人實召左兵趣賜自盡乃各作家書互書先帝遺臣於腹投繯死遺命勿葬如伍子胥抉目事置棺雨花臺側未浹月而南都破矣

鍾字介生鑣從弟也爲諸生有聲復社中舉崇禎癸未進士改庶吉士甫半載闖賊陷京師鍾出降賊徒顧君恩薦之牛金星用爲檢討賊敗南歸周氏金壇貴族而其父子兄弟悉有離心鑣與鍾尤以才相忌各招致生徒立門戶兩家弟子遇於途不交一揖鍾旣降賊鑣門人徐時霖等益被以惡名朝中傳其自稱勸進表獨夫授首萬姓歸心比堯舜而有武

功邁湯武而無慙德等語爲牛老師所賞遠近切齒初鍾與弟某遇阮大鋮於酒肆弟與語不合推案壞座坐者皆失色鍾徐引去不爲謝劉澤清之鎮山東也慕鍾名奉五百金以交歡拒勿納以此二人深恨之故馬阮謀必欲殺鍾其年八月士英言給事中光時亨力阻南遷致先帝身殞社稷而身先從賊爲大逆之尤庶吉士周鍾者勸進未已又勸賊早定江南聞其嘗驟馬於先帝梓宮前臣聞不勝髮指其伯父應秋維持皆魏忠賢鷹犬今鍾復爲鬪賊忠臣梟獍萃於一門逆黨鍾於兩世宜加赤族誅其胞兄銓尙廁衣冠之班從兄鑑儼然寅清之署均宜從坐用清逆黨鍾遂被逮士英之起大鋮也爲廷臣所阻大鋮語人曰彼阻逆案我當立順案相

對以闖僞號順也鍾旣繫獄數求解於士英不可得及六等定罪刑官解學龍置鍾次等待繫士英擬旨詰問學龍不得已改從一等而以停刑請士英怒學龍削籍去明年四月刑部尙書高倬用新竹籠杖之數十御史張孫振再鞠再杖居數日左兵檄至人情洶洶遂與光時亨武憲同棄市鍾猶謂行刑者曰殺我天下遂太平乎

項煜字仲昭號水心吳縣人天啟乙丑進士授庶吉士嘗扶江西艾南英文爲所詆怒因磨勘陷之停科甲戌分校會闈抑陳大士而進李青羣論大譁煜故以經藝名天下恥之納賄於嘉定伯周奎求再入閣雪恥而癸未會元所得又爲陳名夏聲譽頓減累遷少詹兼侍讀甲申三月疏請南遷爲給

事中光時亨所持城陷與鄉人痛哭將自裁忽其甲戌門生  
黎志陞者排闥入呼曰今日魏徵非師而誰志陞固以山西  
學道降賊爲僞尙璽卿者煜方恨罵而志陞竟挾之上馬去  
煜旣不死卽對眾曰大丈夫名節旣不全當立蓋世功名如  
管仲魏徵可也已得僞太常寺丞大沮奉賊命祀泰山馳驛  
微服走南都適宏光帝登極雜入朝賀班爲眾所逐尋與周  
鍾等同下獄刑部尙書高倬爲煜乙丑同年爲援助餉例歛  
金出獄而故里居已爲鄉人之討賊者所燬不敢歸走慈谿  
門生馮元颺之鄉村明年雍髮令下眾揭竿起擁煜入縣署  
令王玉藻者亦癸未門生也將爲煜地眾復擁之西門外之  
太平橋繩繫擲激湍中噪曰今日眞項水心矣元颺奔救之

氣已絕云

光時亨祁門人崇禎甲戌進士官刑科給事中疏論練餉之  
非甲申三月帝召對平臺大學士范景文都御史李邦華少  
詹事項煜請奉太子撫軍江南時亨叱之曰奉太子往南意  
欲何爲將爲靈武故事乎議遂格已奉命分守東直門城陷  
首迎降賊獎諭之以原官視事時亨寄書其子云諸葛兄弟  
分事三國伍員父子亦事兩朝我受恩大順汝等可改姓走  
肖讀書以無負南朝科第云云賊敗南歸與周鍾武慄同伏  
法

武慄涇陽人崇禎末以進士候選京師值城陷迎降授淮安  
防禦使方慄之吉服迎賊也有僕某大慟曰奴聞主憂臣辱

主辱臣死此何時不奔喪哭臨而吉服事賊乎叩頭出血慘  
叱之去僕曰李賊貪淫無道上干天怒下拂人情吾不忍見  
主人之失身且罹禍也遂絕粒死慘後竟伏法南都

邱磊鄒平人少爲諸生有才名走遼東詣軍門上書嘗與左  
良玉從軍剽掠坐法論斬磊願以身獨任罪而免良玉於死  
磊繫刑部獄崇禎十三年良玉捐萬金救之俟恂再出督師  
奏以磊爲山東總兵與劉澤清不相能澤清之南下也過安  
東磊掠其輜重澤清慮爲僨輩笑匿不以聞會南都立因請  
命磊渡海收登萊磊於白沙祭海將以眷屬輜重北發澤清  
構之於督師史可法謂其有異謀甲申冬月初六日庚寅  
磊以百餘騎至安東副總兵柏承馥給磊進署突兵擒之下

淮安獄澤清自往唁之置酒把臂嗚咽諭獄吏小心承值會當疏請無何得旨賜自盡議者多冤之良玉之東下也蓋亦因磊死云補

男承禮編輯

仁和魏錫曾參校  
會稽梁繼元覆校

小腆紀傳卷第十九終

小腆紀傳卷第二十

前翰林院檢討加詹事府贊善銜六合徐鼒譏

列傳第十三

徐宏基

從子仁爵

李昇

族人錫祚錫貢

鄧文昌

常延齡

常元亮湯南金

劉永錫

劉文炤

沐天波

徐宏基字紹公中山武甯王達之後世居大功坊里崇禎時  
襲爵魏國公守備南京甲申夏四月率諸大臣迎福王於江  
浦五月庚寅王監國奉寶以進尋奉使祭告孝陵晉左柱國  
與馬阮忤決志乞休以子允爵嗣職明年南都亡允爵出降

宏基率幼子文爵及家人避之吳江進士袁世奇家郡紳多從之勸作匡復計宏基卽樹幟募練鄉勇得千數人按戶出資助餉有陸醕儒者雄於財其弟某偕客過莊舍宏基邀致之踞坐相見抑之跪勒之書餉某堅弗承乃繫諸暗陬困苦之客脫歸以告醕儒時總兵黃蜚潰降部下田勝嘉收合散亡出入泖湖間顙事剽效醕儒具厚幣乞援復得亡命三百人乘夜發難登世奇屋劫其弟出乃集眾進攻袁徐兩姓家屬及避兵諸紳長幼悉被戮而沈屍於湖宏基挺矛奪門出投分湖葉氏葉懼禍縛而致諸陸陸趣軍士叢槍擊斃之子文爵年十五被圍登屋頂發三矢殪三人被執亦叢箭死永曆帝聞宏基之倡義被害也閔之賜謚壯武從子仁爵初從

魯藩於台州監國後以功封定南伯江上師潰扈從入海甲午偕張名振攻崇明戰敗沒於海

李昇字東君岐陽武靖王文忠十七世孫短小精悍耽吟詠善騎射崇禎甲申年才十有四襲官都督同知史可法檄召諸鎮兵北上勤王昇請以五百人爲前鋒可法壯其言然以童子也姑置之翌日大閱京營昇彎勁弩一發九矢皆破的可法大喜師未濟而凶問至遂已南都立誠意伯劉孔昭與馬阮濟姦害正昇憤甚遇孔昭於塗戟手毒罵孔昭大恨劾罷之可法招往揚州參軍事昇積勞得嘔血疾歸明年南都亡走天台山削髮爲僧丙戌浙東不守魯監國航海作詩傷之云陡聞絳幘離淝水旋見青衣出洛陽又天下猶懸唐日

月海中莫恃漢金湯遂痛哭發狂死其族人錫祚與弟錫貢以勇聞庚寅偕謁舟山命佐蕩湖伯阮進守螺頭門辛卯秋大兵三路下舟山進敗於橫水洋錫祚趨救被創同投水死城破錫貢勒兵巷戰被執至四明見殺

鄧文昌字汝言甯河武順王愈之後魏國公徐宏基之女夫也宏光時任後軍都督左兵東下馬士英盡撤防河諸軍以禦文昌詣朝門力爭之反復陳說利害士英語塞厲聲曰公勦臣無預國家大事文昌歎息出遂棄官隱於繖山之天開巖旣聞隆武帝立航海赴闕襲封定遠侯加中府屢疏請上出關爲恢復計上優旨答之比幸建甯命與大學士曾櫻留

守福京

大兵至櫻避之海文昌慷慨誓義妻徐氏先仰藥死文昌扼吭以卒年僅一十九閩人哀之合葬於城北芙蓉嶺下徐氏見列文傳

常延齡字喬石開平王遇春之十二世孫也襲封懷遠侯官錦衣指揮崇禎中疏陳時政凡十二上皇帝嘉納之熊姜獄起抗章請釋二臣罪又致書周延儒以文彥博救唐介故事相激勸朝論譴之南都之起阮大鋮也與廷臣交章劾之不報遂掛冠去南都亡與妻氏徐魏國公主偕隱金陵種菜爲生歿無以殮友人醵金葬之雨花臺側又有常元亮者亦開平王孫與東甌王湯和十三世孫南金爲詩友南金於崇禎時官錦衣衛指揮南都馬阮亂政乞放歸聞永厯帝入緬甸斷

粒卒南金旣卒之明年元亮訣妻子告墳墓將航海說朱成  
功大舉之澈浦之乍浦之舟山覓渡不得遂發憤蹈海死  
劉永錫誠意伯孔昭子世所稱郁離公子也南都亡孔昭以  
所部操江兵斬關奔太平尋入海癸巳甲午張名振再以舟  
師入長江掠瓜洲抵儀徵登金山望祭孝陵孔昭偕永錫以  
其軍會丙申八月

王師復攻舟山永錫隨英義伯阮駿禦之橫洋金塘間風發  
舟膠投水死論者謂其能幹蠱云孔昭自有傳

劉文炤號雪舫新樂侯文炳之弟時稱爲新樂小侯者也甲  
申之變文炤年十五方侍母杜氏飯家人報城陷文炤盜脫  
地遽起從母登樓就縊墮不死文炳牽其手曰汝幼可無

死留延劉氏祀也遂逃回海州故里已復流寓高郵闢畦種  
菜與一二遺老爲觴咏嘗有句云去住向誰商出處飄零到  
我負平生聞者傷之

沐天波字星海昭靖王英之十二世孫崇禎初襲爵鎮滇黔  
歲貢方物紓誠無間帝手詔褒美家饒於資遊士多出其門  
乙酉秋八月元謀土司吾必奎反連陷武定祿豐楚雄諸郡  
縣天波檄調官軍及各土司會勦冬十月甯州土官祿永命  
石屏土人副將龍在田偕官兵擊必奎擒之時阿迷土司沙  
定洲亦以奉調領兵至必奎誅而定洲未卽歸豔天波之富  
結羣不逞之徒於十二月朔日入城突起焚劫祿永命部將  
周鼎止留防在城中止天波勿逃留討賊天波疑其與謀殺

之而自水竇逸走楚雄弟都司天澤菴戰死母陳氏妻焦氏走城北普吉鄭之金井里舉火自焚死定洲引兵追天波於楚雄金滄副使楊畏知教天波走永昌定洲再攻楚雄不克乃東陷迤東諸郡是時獻城死其黨孫可望李定國劉文秀等以殘卒由遵義入黔龍在田遣使告急可望因詐稱黔國焦夫人弟引兵復讐雲南苦沙亂久延頸望之而不知其僞也丁亥三月定洲大敗於革泥關遁歸阿迷可望亦受楊畏知之約入楚雄具書迎天波歸省天波未之信遣其子顯忠至營曰得守永昌足矣不敢望故位劉文秀言於眾曰沐世子來猶沐國公來也請以國公禮禮世子歸以二十騎送之悉返所得沐國世寶天波則大喜過望倏二十騎中有兩人

厯階上者顯忠視之愕然謂其父曰此卽撫南劉將軍及王將軍某也匆匆不知所爲遂偕之至會城沙黨余錫朋阮韻嘉等先後伏誅明年戊子定國得罪於可望可望令取定洲自贖定國進兵洱革童禽定洲萬氏凡沙氏之屬數百人械至省剃皮號令通衢天波具禮謝雪譬滇人亦靡不稱快而定國自是日強不復爲可望下可望乃遣使詣行在乞封尋奉上駐安龍久之謀逼上禪位忌定國在乘其爲

王師所敗襲之定國用其客金維新曹延生謀敗之於田州遂趣安龍奉上走雲南天波迎蹕於馬龍驛晉柱國少師時丙申三月也丁酉八月可望犯闕其黨王尙禮將內應天波以兵守之不得發省城以安明年戊戌冬

王師入滇定國三路兵皆潰或請上幸蜀或請入雲南蠻峒天波曰自迤西達緬甸糧糧可資出邊則荒遠無際萬一追勢稍緩據大理兩關之險猶不失爲蒙設也馬吉翔李國泰咸是之己亥正月上發雲南由木邦土司以入騰越命天波護行警至乘夜走南甸僅攜一妾夏氏隨諸宮眷以行及抵緬境上命天波趨入銅壁關以敕書諭之緬人啓關勒從官盡去甲仗而後入進至蠻漠土官思縣迎之而緬以敕寶差小不之信天波乃出黔國公鍊券較之始肯具舟來迎及抵井亘緬戒勿進時定國兵駐孟艮白文選兵駐木邦祁三昇兵駐蠻漠緬人疑之求敕止各道兵毋許更進天波與綏甯伯蒲纓謀奉上乘間走戶臘二河不得比入褚碎緬人乃編

木爲城築土爲臺板屋十數間爲上居結草數十架棲從官不足則各自誅茅散處聊庇風雨而已初猶供給如禮浸衰羣從有三四日不火食者采木子蔬果以慰飢天波乃盡出所有分畀之潛與錦衣指揮趙明鑑等謀密奉太子出坎時龐天壽已卒李國泰代掌司禮監印與馬吉翔左右作奸眾議逸出後并殺翔泰事洩不果羣俗八月十五日羣蠻贊見緬酋張嘉會以享之時將誇示諸蠻來招天波渡河並索禮物上欲爲好於酋命天波往至則脅令白衣椎髻跣足領諸海郡僰夷酋而拜不得已從之歸而泣曰國體何存辱及吾祖我所屈者恐驚憂皇上耳否則彼將無狀吾罪滋大矣禮部楊在行人任國璽劾天波屈節於夷疏留中不發辛丑七

月咒水禍作諸王勛戚文武內監諸臣死者凡四十二人天  
波與焉妾夏氏亦自經是冬十二月上遂爲緬人所執我  
朝賜天波通諡曰忠節

男承禮編輯

仁和魏錫曾參校  
會稽梁繼元覆核

小腆紀傳卷第二十終

小腆紀傳卷第二十一

前翰林院檢討加詹事府贊善銜六合徐鼐譔

列傳第十四

黃得功

翁之琪  
杜文煥

高傑

孫守法

王光恩等

黃得功字滌山開原衛人其先自合肥徙早孤與母徐氏居年十二母釀酒熟羈飲至盡母怒之笑曰償易耳時遼事方急得功持刃雜行伍中斬首二級中賞率得白金五十兩歸奉母曰兒以之償酒也旣而執鞭役屬人值響馬手提兩鹽蹄禦賊無不披靡由是勇名震遠近年壯出關投經略爲帳前親軍積功至遊擊入援山東擢參將旋充副總兵官得功

臨陣飲酒數斗頭縛巾目瞳突出持銳鞭入敵營鞭血漬手  
腕以水濡之久不脫軍中呼黃鬪子嘗命小卒以金鑼戴額  
上射之百發百中而人不傷崇禎十一年以禁軍從總理熊  
文燦擊賊於舞陽光固間又破賊馬光玉於淅川之吳郵王  
家寨詔加太子太師署總兵銜十三年從太監盧九德破賊  
於板石畈與劉良佐等大破張獻忠於潛山斬首六千級獻  
忠之在巢湖也焚縱陽奪商舟百餘艘謀南下聞得功兵至  
走而營於古城長嶺潛山之險阨處也得功夜半至綠山背  
謠而升賊大擾越崖澗奔追擊之自古山天井湖老鶴頭黃  
泥港六十里橫屍無算斬賊將鬪世子王馬武三鶴子王興  
國三鶴子獻忠養子最號驍勇者也得功箭傷面氣愈厲轉

戰十餘日追及獻忠距丈許欲生致之馬蹶獻忠逸去於是  
散而便道攻桐桐有關曰北峽爲賊出沒地安廬道鄭二陽  
命部將廖應登自舒守桐應登不敢入關賊出山逆之應登  
兵大潰得功有愛將林報國威名亞於得功賊左金王老狹  
狹革里眼等數憚之賊趙虎者設伏誘報國深入殺之羣賊  
正相賀得功匹馬突入陣斬虎賊眾潰而走有號無敵將軍  
者呼於陣曰吾爲汝曹擒黃將軍方大呼馳至得功已擒之  
橫置馬上賊大驚於是應登潰兵乃得會於桐十五年十一  
月得功駐兵鳳陽桐城縣令張利名告急於得功得功則兼  
程進自鳳陽三日行六百餘里賊有自北來者呼走走黃家  
兵至矣及得功至則賊已走數里追獻忠又及之獻忠呼曰

黃將軍何相扼也吾爲將軍取公侯留獻忠勿殺不亦可乎  
得功曰吾欲得汝頭耳急擊之賊以輜重牛馬遺民男女塞  
道逸去得功乃收所擄男女萬餘人令各回鄉土以甲仗輜  
重歸諸朝明年移鎮廬州討平叛將劉遷十七年封靖南伯  
宏光帝立推恩進爲侯尋與高傑劉澤清劉良佐爲四鎮分  
守江北得功轄滁和等十一州縣駐廬州未赴鎮而督師史  
可法慮高傑跋扈請移置得功於儀真陰相牽制傑素忌得  
功登萊總兵黃蜚與得功同姓稱兄弟道出維揚乞兵爲護  
得功率輕騎三百出高郵以迎之三汊河守備胡茂楨遣以  
報傑傑疑其圖已伏精卒中道邀擊之而別遣千人間道襲  
儀真得功行至土橋解鞍下馬作食伏兵猝起出不意亟舉

鞭上馬而飛矢雨集所乘馬值千金中矢踣騰上他馬逸去  
傑之遣兵也戒必生致得功有梟健十七騎舞槊直前得功  
大呼反鬪奪其槊入馬披靡發腰間所餘七矢殪七人矢盡  
揮長刀復殪其三跳入頽垣中哮聲如雷追者不敢逼乃及  
於大軍以免惟從行三百騎皆歿傑所遣干人襲儀真者夜  
至守將邱鐵馬岱偵知相與謀曰高兵以主帥他出也姑以  
舊城委之天明主帥至內外夾擊吾事濟矣令士卒飽食且  
休於城外碁置炬火爲疑兵傑兵疑不敢進望見炬火以爲  
營盤也礮矢齊發夜半與火藥俱盡馬岱開門出擊盡殲之  
得功還聞知益大怒自以於同事無纖芥嫌一朝見襲瞋目  
切齒誓與傑決死戰可法命監軍萬元吉解之百端而調者

謂得功兵且至傑大言曰曩千人維揚猾少吾故驅之假手  
黃君吾之士卒詎至於敗也會得功有母之喪可法入弔立  
而語之曰土橋之釁無愚智知傑不義今將軍以國故親故  
蠲盛怒使歸其曲於高而將軍收名於天下也得功色稍和  
然以失亡三百騎爲憾可法命監紀應廷吉等如傑營曰靖  
南聽我矣君何愛數百騎而害大事乎傑如命償馬馬羸多  
弊可法自出三千金代之償又令傑以千金爲得功母贈得  
功不得已聽焉是年冬傑北征詔得功偕良佐進屯邳徐得  
功憾傑未卽行明年正月傑死得功引兵趨揚州攘袂言曰  
固當以此州還我可法在徐州聞之馳還揚州遣同知曲從  
直中軍馬應魁入營問故得功曰吾爲大將功最多僻處瀕

江小邑高傑有何勞績而食數城姑念其死割以高郵寶應  
江都三縣養其妻子足矣餘非高有也可法曰吾非不知將  
軍功又非愛高而右之也徒以彼士馬多令不一今日驟奪  
明日必亂是將軍首難也其異於興平者幾何得功揮其眾  
少卻會朝廷遣盧九德持諭來不得已復罷去移鎮廬州北  
來太子之獄得功疏言東宮未必假冒不知何人逢迎定爲  
奸僞先帝之子卽陛下之子不明不白付之刑獄將人臣之  
義謂何恐諸臣詔徇者多抗顏者少卽明白識認亦誰敢出  
頭取禍乎乞多方保留若驟處死卽果詐僞天下必以爲眞  
矣四月左良玉竟以奉太子密詔爲名引兵犯闕至九江病  
死其子夢庚順流下詔得功禦之江上駐師荻港尋破夢庚

於銅陵命得功移家太平一意辦賊進封靖國公加左柱國而我

大清兵已連破揚州鎮江上倉卒出奔得功方收兵蕪湖見上驀然入泣曰陛下死守京城臣等猶可盡力奈何聽奸人言倉卒至此進退將何所據此陛下自誤非臣負陛下也無已願効死將奉上幸浙未行而追兵至時傷臂幾墮衣葛衣以帛絡臂佩刀坐小舟督麾下總兵迎敵忽劉良佐大呼岸上招之降得功怒裂背罵曰汝其降乎降將張天祿從良佐後射得功中喉得功知不可爲呼良佐曰花馬兒黃將軍男子豈爲不義屈不濟命也擲刀拾所拔箭刺喉死其妻某氏沈軍資於江亦自刎死麾下總兵翁之琪投江死左軍田雄

遂負上出降得功麤猛不識文義時詔書多出羣小得功見  
詔紙或對使罵裂之然忠義出天性聞以國事相規戒輒改  
不旋踵舊制宰相閱邊雖總兵封侯戎服庭參可法之督師  
也四鎮私議見禮曰吾輩已封侯伯矣得功曰有舊制在戎  
服先入高劉不得已亦戎服繼之微時出大學士蔣德璟門  
下貴後雖入後堂仍行跪禮嘗受飯肆老嫗恩事之如母早  
年戰河北馬驚幾蹶有小卒任姓者持之不得墮得功見其  
嚴冬無袴因名之曰有袴及得功駐儀真任已爲守備後爲  
副總兵賜蟒玉焉軍行紀律嚴所過無犯廬州桐城定遠立  
生祠祀之葬儀真方山母墓側我

朝賜得功專諡曰忠桓之琪通諡曰忠節

杜文煥崑山人總兵桐之子也文煥在延綏火落赤諸部頗  
畏之天啟元年奉詔援遼乃出兵搗河套以致寇深入大掠  
命解職候勘自後屢起用率無功子宏域於天啟初厯延綏  
副總兵七年文煥以甯夏提督援遼卽擢宏域爲總兵官代  
鎮甯夏積資至右都督崇禎中督池州浦口二營遏賊南渡  
有功十三年移鎮浙江甲申南都建國命文煥督巡捕是年  
秋改定京營如北都舊制爲五軍神樞神機三大營以宏域  
等六人分統之上之出奔黃得功營也將自蕪湖走浙宏域  
以扈從先發

王師猝至挾上去宏域乃偕文煥歸崑山久之卒

高傑字英吾米脂人初與李自成同起爲盜崇禎七年閏八

月參將賀人龍以救隴州被圍自成令傑遺書人龍勸之降不報使者歸先見傑而後見自成比闡城兩月不下自成心疑之遣他將代傑令歸守老營自成妻邢氏趨武多智掌軍資傑每日支餉仗過氏營分合符驗氏偉傑貌與之私潤誅明年八月遂竊氏以降隸人龍麾下令破賊立效爲信十三年隨人龍破獻賊於鹽井十五年人龍誅實授傑遊擊十月孫傳庭至南陽自成與羅汝才西行逆之傳庭以傑與魯某者爲先鋒敗賊於冢頭追奔六十里汝才見自成敗來救逮出官軍後後軍左勦怖而奔眾軍皆奔遂大潰傑所亡失獨少十六年進副總兵與總兵白廣恩爲軍鋒兩人皆降將不奉約束而傑尤凶暴朝廷以其爲自成所切齒故命隸孫傳

庭辦賊九月從傳庭克寶豐復鄭縣時官軍深入乏食降將李際遇通賊自成率精騎大至傳庭問計於諸將傑請戰廣恩不可傳庭謂廣恩怯廣恩不懌引所部遁去旣接戰陷伏中傑登高望之曰不可支矣亦麾眾退軍遂大奔死者數萬廣恩不救走汝州傑隨傳庭走河北已而自成渡河轉入潼關廣恩已先至十一月自成攻關廣恩力戰而傑怨廣恩之不救已於寶豐也亦擁眾不救廣恩戰敗關遂破傳庭遇害自成據西安別遣李過追傑傑東走宜川河水適合遂渡入蒲津以守賊至冰解不得渡乃免而廣恩以固原降十七年進傑總兵令隸總督李化熙馳救山西而蒲州平陽已陷久不可進傑退至澤州大掠三月京師陷傑遂渡河大掠而南

眾號四十萬邳泗之間驚呼高兵至居者喪失魂魄過揚州士民登陴拒守尋宏光帝立封傑興平伯尋與黃得功劉澤清劉良佐爲四鎮傑轄徐州豐沛蕭陽等十四州縣駐泗州而傑未卽赴鎮固欲駐揚州進士鄭元勳者銳然出爲遊說傑置酒款之具陳無他意元勳以語眾大譁殺元勳於城上傑怒攻城剽奪廂村日殺人以百數會督師史可法渡江誓師傑稍戢可法奏以瓜洲子之乃罷未幾以懷疑襲黃得功於土橋幾大鬪可法又親往解之詳可法得功傳傑感可法恩頗心動可法亦愈獎借之有僧德宗者談禍福奇中傑折節稱弟子問曰弟子他日得免於禍乎僧曰居士起擾攘今歸朝爲大將爲通侯此不足爲居士重惟率眾從史居士儒

家稱聖人我法所謂菩薩與之一志併力可謂得所歸矣徒  
問老僧無爲也傑不覺斂容服邢氏亦言史公出至誠背之  
不祥傑因請可法調得功良佐屯潁毫自率所部趨開歸且  
瞰宛洛荆襄爲根本疏言今日大勢守江北以保江南人能  
言之然從曹單渡則黃河無險自潁歸入則鳳泗可虞猶曰  
有長江天塹在耳若何而據上游若何而防海道豈止瓜儀  
浦采爲江南門戶已邪伏乞通盤打算定議速行中興大業  
庶幾可觀又云得功與臣猶介介前事臣知報君雪恥而已  
肯與同列較短長哉遂令總兵李朝雲赴泗州參將蔣應雄  
許占魁郭茂榮李玉先赴徐州防守奏留北歸給事中衛肩  
文爲監軍抵徐州土賊程繼孔渡河來迎斬以徇諭功加太

子少傅蔭一子時我

大清豫親王多鐸已分兵從孟縣渡河傑乃致書澤清曰  
清兵號二十萬實七八千齊駐濟甯近日河南撫鎮告警一  
夕數至開封北岸

清兵問渡甚急恐一越渡則天塹失恃長江南北盡爲戰場  
時事如此應接不暇惟有殫心竭力直前無二於萬難之中  
求其可濟以報國恩而已澤清以聞先是副將唐起龍之  
父虞時與傑有舊致書招之有大者王小者俟世世茅土之  
語傑不爲動身先士卒沿河築牆專力備禦致書我肅親王  
豪格曰逆闖犯闕危及君父痛憤於心山川俱爲羞色豈獨  
臣子義不共天闕東大兵能復我神州葬我先帝雪我深怨

救我黎民前者朝使謹齎金帛稍抒微忱獨念區區一介未足答高厚於萬一茲逆成跳梁西晉未及授首凡係臣子及一時豪傑忠義之士無不西望泣血欲食其肉而寢其皮晝夜臥薪嘗膽惟以殺闖逆報國讎爲亟貴國原有莫大之恩銘佩不暇豈敢苟萌異念自干負義之愆傑猥以菲劣奉旨堵河不揣絲力亟欲會合勁旅分道入秦殲逆成之首哭奠先帝則傑之忠血已盡能事已畢使當披髮入山不與世間事一腔積憤無由面質若傑本念千言萬語總欲會師効闖以成貴國卽鄰之名且逆成凶悖貴國所惡也本朝欲報大讎貴國念其忠義所必許也本朝列聖相承原無失德正朔承統天意有在三百年豢養士民淪肌浹髓忠君報國未盡

泯滅亦祈貴國之垂鑒也明年乙酉正月抵睢州初總兵許定國負其功不得封上書詆傑爲賊傑曰吾見許必手刃之傑之北征也定國懼見討既遣子爾安渡河投誠而又貽書可法求自全計可法語其使曰許總兵何地不可居而必睢州乎旣圖程繼孔被誅益懼傑至睢州定國先數十里跪馬首迎傑扶之起曰若總兵奈何行此禮顧爾眾安在定國故毀其軍以應見明日傑召定國而詢之曰若豈不知我之將殺汝而顧不去何也定國頓首曰固知公之怒也然不知其罪傑曰若累疏名我爲賊安得無罪曰此定國之所以不去也定國目不知書倉皇中假手記室誤入公名定國不知疏中爲何語以此殺定國不亦冤乎傑索記室者姓名定國曰

彼知公之怒也先期遁迹之不獲彼先去而定國不去以明向之名公者非定國意也傑見其詭服憐而信之有千戶某投牒云定國謀汝傑故示以不貳馬前笞六十送定國誅之遂刑牲約爲兄弟定國飾美姝進傑屏不御笑謂之曰軍中無所事此弟畜之俟我成功後以娛老也定國唯唯退時傑大營去城二十里懸王命旗於城闕曰非有令不得入從入者左右驍健三百人而已傑語定國北行曰山妻偶恙傑曰弟人傑也何無丈夫氣兒女子願去則去否則殺之以絕他念弟不忍吾爲弟除之定國驚曰此結髮婦非他比當卽隨行十三日丁酉定國燒燈張宴具樂已侍傑飲而令其少弟許四者飲諸將於別所婦女賓客相雜坐酒酣坐者覺有異

起而耳語傑曰許四志意失常將毋謀我乎傑推之以手曰去夫何敢其人退意亦安之於是三百人皆醉傑所居者唯人甲第也垣牆高而四周有重廊複室將佐就別所擁妓臥傑榻畔惟二三治文書者與傳事小兒漏將殘屋瓦厯然有聲傑驚視則壯士數十輩踰垣入傑索所備身鐵杖則已烏有倉卒奪他人刀步鬪傷脅被執定國蹀血南面坐曰三日來被汝挫辱已盡今何如傑大笑曰吾乃爲豎子所算呼酒來當痛飲死三百人者聞礮聲欲起則爲妓所矚無脫者惟一人伏牀下免明日日中城不啓李本深王之綱郭虎攻南門入則定國已渡河降矣初傑誓師祭旗疾風折大纛西洋礮無故自裂傑曰此偶然耳遂於十月十四日登舟推官應

廷吉私謂人曰旗斷破裂已爲不祥今十四日俗稱月忌又爲十惡大敗何故登舟已而竟敗傑性淫毒揚之人聞其死至醉酒相賀然感可法恩銳意進取又頗知大義劉澤清之攻劉宗周姜曰廣也以疏棄示傑傑驚曰我輩武人乃預朝事邪澤清薦逆案及降賊諸臣而傑薦黃道周王志道解學龍劉同升趙士春章正宸爲眾正吳甡鄭三俊爲萬世瞻仰金光宸熊開元姜塚無愧社稷臣金聲沈正宗夙儲經濟可法聞其死大哭知中原之不可復爲也倉卒間請以傑子元爵爲世子甥李本深提督軍馬與諸裨將分屯梁宋間一軍始安而詔書久不下得功澤清良佐爭欲分其軍將之上亦不許尋左良玉疏言忠脣將同壓卵袁繼咸亦疏言興平有

可念之勞詔贈傑太子太保許其子襲爵焉

劉洪起西平鹽徒崇禎間河南羣盜起與其弟洪超洪道及  
諸劉之洪勛洪禮者結寨自保嘗夜遣人入賊營取其馬賊  
憚之呼爲劉扁頭官權授爲西平都司奉巡按御史楊繩武  
檄捕泌陽盜郭三海之黨張五平侯鷙薦誅之與汝甯沈萬  
登登封李際遇並雄河南羣寨間沈萬登真陽大俠也七年  
甲戌汝人盛之友者起岳城萬登聚眾應之稱順義王之友  
等尋破滅萬登乃請降際遇登封人幼讀書不應童子試而  
以飲食結交礦徒有陳金斗者自謂受天書能占望氣候際  
遇信之乘旱荒以倡亂官軍擒金斗並際遇妻子殺之際遇  
乘馬走脫與于大忠等各結土寨際遇踞登封之玉寨大忠

踞嵩之屏風寨大忠凶慘而際遇差平善以故鄰寨多歸之  
十五年壬午李自成陷汝甯授萬登爲僞威武大將軍萬登  
不受而與洪起等謀收復鳳督馬士英承制命爲副總兵自  
成旣連陷河南州郡際遇等請降而洪起兄弟獨不可洪超  
洪道留守寨洪起一日夜走七百里求救於左良玉棘刺破  
足不知痛十六年二月洪起在西平數與老同戰誅汝州  
僞官土寇趙發吾等歸之有眾十萬以忠勇稱而際遇亦殺  
僞官自効帝下詔褒獎自成在襄陽命一隻虎出河南殺袁  
時中大置僞官僞防禦使金有章虐於汝州萬登計縛之並  
僞汝甯府尹鄧璉等磔於市太監盧九德以聞得旨優敍當  
是時自成圍際遇於玉寨甚急會督師孫傳庭之兵出潼關

圍乃解諸將亦莫能出兵助督師戰而以其間完守入保十七年春萬登之中軍王民表殺洪起弟洪禮而攫其金洪起稱兵復讎合其黨郭黃臉金皋趙發吾以圍萬登於汝州汝人糧糗牛馬俱盡掘野草煮瓦松終之以食人彰德推官陳朱明後改名潛夫爲兩家議和萬登顧不從五月朔城破洪起執萬登並其黨磔之乃自稱左平南麾下副將軍南至楚潁北抵大河無不奉約束六月自成僞權將軍袁宗第聞洪起破汝自德安馳而至洪起棄城復走左良玉軍宗第踞城五日移營入陝西洪起乃自楚歸擒南陽開封諸僞官傳送南都詔加際遇洪起乃自楚歸擒南陽開封諸僞官傳送惟洪起最効忠請予掛將軍印不許洪起自稱受敕書進宮

保州縣以下皆聽其署用卽汝甯御史公署設案戟旌旗爲帥府明年正月敗闖賊於襄城先後斬獲三千級詔晉二級

三月

王師取西平洪起撤兵入楚已復入守之已而潁州太和相繼陷洪起奏北兵勢如破竹恐爲南京憂馬士英以方禦左軍道不問加洪起提督開封汝甯等處援勦總兵官南都陷猶支持光黃間不下六月

王師再攻西平不支走平頭蠶我將孔希貴圍之洪起中流矢死其下遂散我

朝賜通諡曰節愍

孫守法咸陽人有勇略崇禎末以功授陝西副總兵加都督

同知甲申賊陷京師踰月爲我

大清兵所敗走陝西守法棄妻子入終南山聚眾討賊時賊拔興安州守法與鄖陽總兵王光恩合兵攻破之又克平利白河上津等縣乙酉五月我

大清命吳三桂率兵入關徇秦地守法復入終南山久之奉秦藩第四子稱漢中王者聞邸五郎山檄召西溪鳳平延慶等郡兵將薄西安遣副將賀珍以義勇三千復鳳翔於是盩厔鄂渭涇陽三原臨潼澄城白水諸縣次第來歸軍聲大振守法之初起也武大定劉文炳賀宏器郭金鎮黃金魚焦容仇璜等俱應之大定本固原舊將功最多守法推重之十二月攻西安邵陽舉人姚翀霄千總衛天明康姬命朝邑諸生

王知禮李世仁等各狀守令以應時

王師之守西安者不過七百人總督孟喬芳懼甚亟調山西兵五百爲援甫過河知禮命朝邑百姓僞持羊酒迎於道醉而殲之喬芳益懼更召榆林兵二千人入援二十八日守法率眾攻城平陽人曹三俊王英師可宗謀以城應事洩被殺丙戌正月五日援師至守法部將賀珍胡向化等謀曰我兵少攻之猝未易拔安能復戰乃解圍去二月甯夏甘肅神木靖邊各以兵來附隆武帝聞之遣使問道封守法大定俱爲伯然時

大兵之徇秦地者眾守法所復郡縣旋復失聲勢寢衰六月守法退回五郎山八月大定敗於興安尋遁走入蜀九月光

泰等敗歸鄖城又敗走房縣丁亥正月守法走石子城二月走長安石鼈谷三月朔復與高勛等破甯州拔興安之蕎麥山喬芳引兵來勦四月八日伏甲深林以輕騎誘守法出擒之守法執鐵鞭格殺百十人乃死傳首西安翀霄等先後論死

王光恩均州降賊號小秦王者也初與張獻忠羅汝才爲賊獻忠降而復叛均州五營之降者懼見討自疑又慮爲獻忠所併光恩斂眾據險居久之乃降按察使高斗樞察其忠勇招之同守鄖陽崇禎十四年六月獻忠自陝而東光恩及弟光興分扼之戰頻捷十五年冬李自成陷襄陽均州逼鄖陽光恩擇要口築砦賊逼砦而營積木與砦平光恩火焚之賊

不得近礮裂砦光恩泥塗板護之且守且築夜縋壯士斫其營賊驚遁十七年正月僞將路應標以三萬人來大舟載礮遡流上光恩設水砦於漢江深處而以輕舟往來截殺因風縱火賊棄礮奪路走光恩令別將循江鼓噪賊擠入水江水爲赤又遣人入均州燒其蓄積賊乃退明年三月自成棄陝西入楚擁眾二十萬水陸並進光恩遣別將禦之江渚自率輕騎營城外伏步卒榛莽間城至苦路險不得馳突而步卒出沒如神薄暮縛荻樹杪火光參差上下親帥死士衝賊壘伏兵四起喊聲震天賊眾大潰乃循江回搗賊水營與別將之營江渚者前後夾擊賊棄舟從北岸遁盡獲其精騎飛艦蓋前後四至皆大創賊自是不敢窺鄖矣後

王師收楚光恩勢迫投誠而陰與明通爲我道臣李之綱所  
訐被逮弟光泰遂於丁亥四月據襄陽反正永厯帝封爲鎮  
武伯進踞鄖陽結陝西賀珍武大定爲援我提督孫定遼亦  
降將也率兵援襄鄖陽敗沒我侍郎喀喀木會師進討光泰  
走房縣尋走四川與弟光興崛起強楚蜀間者十餘載

男承禮編輯

仁和魏錫曾參校  
會稽梁繼元覆校

小腆紀傳卷第二十一終